

高要會館簡况與萬緣勝會感想

世界上任何一事物，因其觀感之不同，而影響其立論之各異，別的不說，單就鬼神而論，想有與無之說法，各佔其半，譽之者則有如孔聖之所言，敬如在，敬神如神在，毀之者則謂進入太空時代之今日，豈可仍導人於迷信，然吾人對某一事物之評判其是非曲直，固須求諸真理，但對於事物之出發點，倘無悖乎情理者，實亦未可厚非也。去秋廣惠肇碧山亭公所，舉辦萬緣勝會，藉超度幽魂，以籌款購山，使後死者得葬身之地，然吾華族子孫，倫理思想素濃，孝道至篤，所謂慎終追遠，不可不敬，因其如此，孝子賢孫，善男信女，參與盛會者，踴躍熱烈，至碧山亭因而籌有鉅款，購山偉舉，助益不淺，可見凡事祇求其出發點是善良而非惡，是為公而非為私，則其結果必良，此為顯著之例證。

今該亭以此次舉辦萬緣勝會，獲各縣屬之人士支持愛護，感慰之餘，擬出版紀念特刊，以揚仁風外，更資徵信，意至善也。蒙不棄函索文稿，以義不容辭，用謹將會務近况，摘要簡述，以塞篇幅，并為關心者告。

在未言會况前，先略述縣屬地理，俾邑人子孫，免有數典而忘祖之虞。高要縣城臨西江，在兩粵交通上，佔重要位置，土地肥沃，農產豐富，鑛藏亦蘊，在西江各縣中，可稱富庶之區，教育發達，文化固而頗高，民風樸素，性勤耐勞，水陸交通便利，得風氣之先，因而遠涉重洋者多

，縣屬幅員廣濶，在粵省為一等縣區，尤其肇慶府設之地，東與三水毘連，南與高明新興兩縣毘連，西接雲浮德慶，北聯廣寧四會，人口將達五十萬眾，縣中七星岩，乃名勝之地，旅客多以能一遊為快，羚羊峽地勢險要乃軍事要地，鼎湖慶雲寺，廣東五大叢林之一，縣中以出產硯石見稱，琢磨成聞名之端硯，因亦有端州之稱，至肇慶裹蒸粽，尤為膾炙人口者，文慶瑚之鯉，可比美於黃河鯉，諸如茨實鼎湖柚片等，限於篇幅，未便多所贅述，今所談者為有關會館之會務概況焉。

遠在清光緒十年，當時旅居本邦邑人，建立高要總墳於綠野亭，每年藉春秋二祭，以聯絡鄉誼，迨一九四零年間，邑人陳榮初君，因總墳崩陷，思欲集資重脩，或遷移墓地，此時感及設立同鄉會之需要，有團結方能建設，賴廖開君古道熱腸，首倡捐輸，復組發起團為廖開，洗甍初，謝頌彭，陳榮初，梁偉謙，劉溥天，陳冠然，趙汝成，文澤，梁鏗祥，李茂容，王鐵山，莫卓恆，岑振陸，左培根，鍾福廷十六位先生，領導各鄉親，出錢出力，籌備成立，乃奠下本會今日之基，厥功至偉，本會溯自組織迄今，駒光荏苒，條經式十年矣，在此多年中，賴各同鄉之支持與愛護，歷屆董事職員之努力，會務得有今日之進展，深引為慰。在一九四六年，得眾同鄉大力贊助，購置乞納街八十三號屋業，再於一九五三


年，發動復購入呢律三十五號屋業，是年秋，易名為高要會館。今以現會址為租賃屋宇，而本會為求會務之更大發展，及圖長遠計，將乞納街之屋業，收回重建為新會所，經繪圖申請當局，一俟批准，即可興工改建為三層半洋樓，屆時對於會務之發展，如有關會員之健康文娛活動，及會員福利工作，當積極展開推動。本會現有會員近任名，附設互助會組員六百餘人，而互助組各組員，均屬同鄉，平日不須繳納組費，祇組員中倘有不幸逝世者，則交帛金壹元，既可使逝世者之遺族，得以安窆，對會員平日之負擔，亦無加重之苦，惟現居本邦之邑人，雖難作詳密之統計，然想尚未入會者，當仍不乏人，希望未參加本會之邑人，早日入會，共謀本會之發展，實深厚望焉。

555
油香清

口適味美
生衛合最



坡加星
行友文
廠油



CHOP FOOK WENG

34, Smith Street, Singapore.

Tel: 76923 三二九六七：話電

榮 福

號四十三牌門街院戲坡大坡嘉新



精結富貴牡丹球

行各料紙洋唐竹炮香神